

GJL nr.1110/2012

REPUBLIC OF KOSOVO	
AGJENCIA KUNDËR KORRUPSIONIT	
AGENCY AGAINST CORRUPTION	
Gen	DPR/DMP
Dev	02
Reg	
Nr	
Prot	03-4114/12
Prot Nr	12.11.2012

GJYKATA E LARTË PËR KUNDËRVAJTJE NË PRISHTINË, në kolegjin e përbërë nga gjyqtarët: Dalip Bega kryetar, Mejreme Zekaj dhe Ramiz Kuqi anëtarë, me pjesëmarrjen e sekjuridike Zymrije Çunaku, duke vendosur sipas ankesës të paraqitur nga Agjencia Kundër Korrupsionit në Prishtinë, kundër aktvendimit të Gjykatës Komunale për Kundërvajtje në Dragash, Re.I.nr.642/12, të datës 30.08.2012, në bazë të nenit 39,219 dhe 222 të Ligjit mbi Kundërvajtjet, më 24.10.2012 merr

AKTVENDIM

Ankesa e paraqitur është e **BAZUAR**.

ABROGOHET aktvendimi i atakuar dhe lënda i kthehet gjykatës së shkallës së parë në rigjykim dhe rivendosje.

Nga një kopje të këtij aktvendimi duhet dorëzuar palëve.

Arsyetim

Gjykata Komunale për Kundërvajtje në Dragash, sipas aktvendimit Re.I.nr.642/12, të datës 30.08.2012, të pandehurin Hebip Osmani nga fsh. Kuk, e ka shpallur përgjegjës sepse si zyrtar i lartë publik, në afatin e përcaktuar ligjor, gjegjësisht deri me 31 mars të vitit 2012, nuk e ka përmbushur obligimin ligjor, nuk e ka plotësua dhe dorëzuar formularin për deklarimin e pasurisë Agjencionit kundër korrupsionit, me çka ka kryer kundërvajtje nga neni 17 pika 1/3 të Ligjit nr.04/L-050, në bazë të kësaj dispozite konform nenit 10 të LK-së, i ka shqiptuar dënimin me QORTIM.

Kundër këtij aktvendimi Agjencioni Kundër Korrupsionit në Prishtinë ka paraqitur ankesë për shkak të:

-vendimit mbi dënimin.

Në arsyetim të ankesës pos tjerash thekson se gjykata e shkallës së parë ka marr aktvendim dhe i ka shqiptuar qortim të pandehurit duke aplikuar nenin 10 të Ligjit mbi kundërvajtjet përkundër përgjegjësisë së lartë të pandehurit për obligimin e deklarimit të pasurisë, se gjykata e shkallës së parë nuk ka vepruar në pajtim me ligjin nr.04/L-050 dhe me shqiptimin e qortimit ka rënë në kundërshtim me rregullat dhe zbutjen e dënimit të përcaktuar me nenin 9 të LK-së ! etj. andaj propozon që aktvendimi i atakuar të abrogohet dhe lënda ti kthehet gjykatës së shkallës së parë në rigjykim dhe rivendosje.

Kolegji vlerësoi thëniet në ankesën e paraqitur, aktvendimin e atakuar, por duke u bazuar edhe në shkresat tjera të lëndës, ankesën e paraqitur nga Agjencioni Kundër Korrupsionit në Prishtinë e aprovoi si të bazuar, kurse aktvendimin e atakuar e abrogoi dhe lënda i kthehet gjykatës së shkallës së parë në rigjykim dhe rivendosje.

Kolegji vendosi për abrogimin e aktvendimit të atakuar për shkak të shkeljes thelbësore të dispozitave procedurale, për shkak të vërtetimit jo të plotë të gjendjes faktike dhe vendimit mbi shqiptimin e qortimit.

Shkeljet procedurale kanë të bëjnë me mosmarrjen në pyetje të pandehurit para se të merret aktvendim, e sidomos duke pasur parasysh deklaratën me shkrim të pandehurit (e fotokopjuar !) nga e cila rezulton se i pandehuri nuk është njoftuar dhe nuk ka pas në dispozicion formularin përkatës për deklarimin e pasurisë, gjithashtu nuk është marr në pyetje as ushtruesi i kërkesës i cili (bazuar në kërkesën për fillimin e procedurës kundërvajtëse) pretendon që i pandehuri është njoftuar me kohë për obligimin e tij por të cilin nuk e ka përmbushur.

2.

Duke vepruar sipas detyrës zyrtare Kolegji konstaton se aktvendimi i atakuar është marr pa u vërtetuar në mënyrë të plotë gjendja faktike e cila ka të bëjë me faktin se i pandehuri ka mohuar përgjegjësinë për kundërvajtje në rastin konkret, kurse gjykata, pa e administruar asnjë provë tjetër, e ka shpallur përgjegjës të pandehurin dhe i ka shqiptuar qortim.

Në plotësim procedure gjykata e shkallës së parë, duhet të veproj sipas vërejtjeve të theksuara më lartë, të merr në pyetje të pandehurin eventualisht edhe ushtruesin e kërkesës, të administroj edhe prova tjera eventuale dhe më në fund varësisht nga vërtetimi i gjendjes faktike të merr aktvendim të drejtë dhe të bazuar në Ligj.

Nga sa u tha më lartë, konform të nenit 222 të Ligjit mbi Kundërvajtjet, u vendos si në dispozitiv të këtij aktvendimi.

Kundër këtij aktvendimi nuk është e lejuar ankesa.

GJYKATA E LARTË PËR KUNDËRVAJTJE NË PRISHTINË.

GJL.nr.1110/2012, të datës 24.10.2012.

SEK. JURIDIKE,

Zymrije Çunaku

KRYETARI I KOLEGJIT,

Dalip Bega